

1661
4 Janv.

DECLARATIO


SACRÆ FACVLTATIS

26. Piece

THEOLOGIÆ PARISIENSIS.

AD APPROBATIONES VERSIONVM
Gallicarum, tam Missalis nuper editi, quam sacræ Scri-
pturæ & officij Ecclesiastici, sub nomine quorundam
eiusdem Facultatis Magistrorum vulgatas.

*Cum Censura libri cuiusdam precum Gallicè impressi apud Ioan.
le Mire, viâ Iacobæâ.*



PARISIIS,

Apud GASPARVM METVRAS, viâ Iacobæâ, sub signo
SS. Trinitatis, propè Maturinenses.

M. DC. LXI.

CVM PRIVILEGIO ET APPROBATIONE.

22. 22. 22



26. 3. Picc.



DECLARATIO

SACRÆ FACULTATIS

THEOLOGICÆ

PARISIENSIS.

AD APPROBATIONES VERSIONVM

Gallicarum, tam Missalis nuper editi, quam sacrae Scripturae & Officij Ecclesiastici, sub nomine quorundam eiusdem Facultatis Magistrorum vulgatas.

*Cum Censura libri cuiusdam precum Gallicè impressi
apud Ioannem le Mire, viâ Iacobæ.*



SACRA Theologiæ Facultas quartâ Nouembris proximè præteriti acceptâ graui querimoniâ sententiamque rogata de quodam precum Gallico idiomate scriptarum libro, sine vllius autoritate Episcopi magnâ cum populi dissensione & scandalo in

A

4
aliquibus Gallie locis sparso in vulgus, cui titulus
est : *Prieres pour faire en commun le matin & le soir
dans une famille Chrestienne, Tirées des prieres de l'Egli-
se: Avec un Abbregé de la vie Chrestienne, & quelque
Traitté de deuotion & de la Penitence; Composées par
M^r de Laval, cinquiesme Edition. A Paris chez Jean le
Mire, rue S. Jacques, au dessus de S. Benoist, au Chef
S. Jean, 1659. Avec Priuilege & Approbation.* Conti-
nente preces diuerfas & alias etiam institutiones
pro editionum varietate sapius auctas, atque non
verbis solum, sed & sensu siue additione, siue de-
tractione mutatas: post diligentem illius lectionem
& toto menſe accuratum examen, censuit in eius-
modi libro, multa esse ineptè & malâ fide traducta, fal-
sa, ambigua, quæ sapiunt heresim & in eam inducunt;
quantum ad doctrinam Sacramentorum, præsertim Con-
firmationis & Eucharistia renouantque opiniones recens
damnatas de gratiâ, libero arbitrio & actionibus huma-
nis.

Quoniam verò eadem Facultas occasione præ-
cum huius libri in linguam vulgarem tractarum
reſciuit multas alias huiusmodi versiones editas
fuisse cum approbatione quorundam eiusdem Fa-
cultatis Magistrorū, censuit etiam omnibus decla-
randum, declarâtque se nunquam intendisse cui-
quam suorum dare licentiam approbandi vllam
versionem sacrorum Bibliorum, Breuiariorum, Ri-
tualium, Missalium, siue librorum quorumcunque
de

de officio Ecclesiastico, aut precibus arbitrariis sine
Episcopi auctoritate in lucem emissis, quorum om-
nium approbationem annis potissimum 1548. 1567.
1607. 1620. 1641. aliisque respectuè prohibuit.

Quod autem spectat ad Missale Gallicè nuper
Typis excusum, præ se ferens eius approbandi li-
centiam à Facultate: tantum abest, ut eam unquam
alicui concesserit, cum petita tantum fuerit licen-
tia approbandi: *Explicationem Missarum totius anni,*
non verò ullam Missalis Gallicam versionem: quoniam po-
tius eam petenti licentiam haud dubiè denegasset,
& datam à quocunque suorum translationis illius
approbationem non potest non improbare, uti &
præsenti declaratione improbat, sicut Magistris
Breuiarii Romani versionem approbandi licentiam
postulantibus denegavit anno 1655. & datam ab aliis
pro noui Testamenti versione approbationem im-
probavit anno 1649.

Ea de causa quatuor è suis nominavit qui Illu-
strissimos Ecclesiæ Gallicanæ Episcopos Parisiis
congregatos adirent, monerentque, quantum
ab eiusmodi versionibus sacra Facultas abhorreat,
quamque religiosè semper inhæserit vestigiis ma-
iorum qui pullulantibus superiorum sæculorum
nouitatibus obsistendo pruriginem illam subinde
renascentem & aliquorum animis nimium insitam
sacra Biblia & Officia Ecclesiastica in quamcunque
linguam vertendi prædamnarunt, quemadmodum

ex subiectâ censurâ propositionum Erasmi aliisque locis ex Gersone excerptis, poterit cunctis innotescere.



EXCERPTVM EX CENSURA
in 32. titulos partitâ latâ in Propositiones quasdam Erasmi, die 17.
Dec. ann. 1527.

*Titulus 12. de translatione Sanctorum Scripturarum in
linguam vulgarem.*

Propositio Erasmi 1. in præfatione eiusdem in Matthæum.

Sacras Litteras cupiam in omnes verti linguas.

CENSURA.

QVamuis in quamcunque linguam vertantur sacre literæ, suapte naturâ sanctæ sint & bonæ: quanti tamen sit periculi permittere passim lectionem earum in linguam vulgarem traductarum absque vlla explicatione idiotis & simplicibus eis abutentibus, nec eas pie & humiliter legentibus, quales plurimi nunc reperiuntur, satis indicarunt Valdenses, Albigeneses ac Turelupini, qui inde occasione sumptâ multos errores disseminauerunt. Quare hac tempestate perspectâ hominum malitiâ pe-

riculosa ac pernicioſa exiſtit huiusmodi traductio loquendo de omnibus Scripturæ libris indifferenter. Nec ſicubi paucis eſſet utilis, propterea temere eſſet omnibus permittenda. In re namque ad ſalutem non neceſſariâ, potius conſulendum eſt multorum profectui ipſam interdicens, quàm paucorum utilitati eam permittendo cum graui multitudinis incommodo. Vnde & iure damnata eſt huiusmodi translatio.

PROPOSITIO EIVSDEM II. IN
Præſatione in Matthæum.

Exclamant indignum facinus, ſi mulier, vel corarius loquatur de ſacris litteris.

CENSURA.

Rectè perpensâ multorum huius temporis impudenti temeritate, indignum facinus exiſtimandū eſt, quod idiotæ & ſimplices ſuo iudicio ſacras litteras legant in ſuam linguâ conuerſas, & de illis diſſerant aut diſceptantes de earum difficultatibus tractent. Nec tamen prohibetur per hoc eis conferre inter ſe de iis quæ in concionibus publicis audierunt ad morum correctionem & ad compunctionis & deuotionis excitationem, vt magis ac magis charitas accreſcat, humilitas ſolideretur atque opera carnis mortificentur.

3
PROPOSITIO EIVSDEM III. IN

Præfatione in Matthæum.

*Me Auctore sacros libros leget Agricola, leget Faber,
leget Latomus.*

C E N S V R A.

Testantur sacra eloquia simplices esse tanquam paruulos, quibus, auctore Paulo, lacte opus sit. Non enim solidam adhuc escam ferre ac digerere possunt. Perfectorum siquidem solidus est cibus, eorum qui pro ipsa consuetudine exercitatos habent sensus ad discretionem boni & mali. Quapropter non est medium aptum huiusmodi simplicibus, quod indiscriminatim quosvis sacros libros legant in linguam vernaculam translatos: sed convenientissimum eis medium Ecclesia constituit auditionem verbi Dei & frequentationem prædicationum eius. Neque eis obiter interdicit usum quorundam sacrorum librorum, qui cum explicatione convenienti, ædificationi morum sunt accommodati: si sic tamen tales libri ab ipsis legantur piè ac sobriè citra supercilium & arrogantiam, ut non inde contemnât prædicationes, nec à crebrâ verbi Dei auditione retrahantur. Proinde hæc propositio absque præscripto moderamine posita sui assertorem sanæ doctrinæ non satis consentire demonstrat.

PRO-

PROPOSITIO EIVSDEM IV. IN
eadem Præfatione.

*Neque Ezechielis Propheta, neque Cantici Canticorum
aut cuiusquam librorum veteris Testamenti lectio-
nem ulli homini interdico.*

CENSURA.

Cum Sedis Apostolicæ Decreto multorum talium librorum lectio laicis iampridem interdicta sit, & eruditis in lege Domini apud Hebræos grauiorum Autorum sententiâ, prohibita fuerit lectio dictorum librorum atque primi capituli Geneseos ante annum ætatis trigessimum, prædicta propositio temerariè & impudenter asseritur, quandoquidem eadem subest causâ inhibendi talium librorum lectionem quæ suberat, quando Decretum Innocentij III. super his constitutum est, cuius fragmentum refertur de hæreticis, authentica, cum ex iniuncto.

PROPOSITIO EIVSDEM V. IN
eadem Præfatione.

Iudeorum vel ridiculum potius videtur, quod idiota & muliercule psittaci exemplo Psalmos suos & Precationem Dominicam immurmurant; cum ipsi quod sonant, non intelligant.

CENSURA.

Hæc Propositio simplices, idiotas & mulierculas ab oratione vocali iuxta ritum & consuetudinem Ecclesiæ perperam retrahens, ac si inutilis sit, nisi ab eis intelligatur, impia est & erronea, viam præbens errori Bohemorum, qui officium Ecclesiasticum in idiomate vulgari celebrare conati sunt. Alioqui in lege veteri indecorum fuisset & ridiculum, simplicem populum ex Dei instituto ceremonias legis observare, quas non intelligebat; quod asserere, est in legem & eius latorem Deum blasphemum & hæreticum. Neque enim per verba orationis solum prætendit Ecclesia, ut serie verborum illorum erudiamur, sed ut eius fini nos conformando, veluti ipsius membra diuinas laudes pronuntiemus, debitas gratiarum actiones persoluamus, & nobis necessaria imploremus. Vnde propter talem orantium intentionem, Dei munere affectus inflammetur, intellectus illuminetur, hu-

..... inopia subleuetur atque gratiæ & gloriæ fructus comparetur. Quæ certum est orantes per tales orationes vocales, quamuis verba non intelligant, prætere. Quemadmodum legatus, etsi verba Domini sui non capit, illa tamen iuxta mandatum Domini sui referens, gratum impendit obsequium & Domino & ei ad quem mittitur. Multæ similiter Prophetiæ in Ecclesiæ cantantur, quæ quamuis à multis cantantibus non intelligantur, plurimum tamen utilis est & meritoria earum pronuntiatio & cantus. Diuinæ siquidem veritati quæ illas docuit ac reuelauit, eas cantando gratum obsequium exhibetur. Per quæ sanè constat, non in sola verborum intellectu fructum orationis consistere. Perniciosum quoque esse errorem existimantium, solùm ad erudiendum intellectum fieri orationem vocalem, cùm præcipuè fiat talis oratio ad inflammandum intellectum, vt pio & deuoto animo in Deum modis prædictis se erigendo, mens reficiatur & obtinendo quæ petit, sua intentione non frustretur: mereatur etiam intellectus illuminationem, quemadmodum & alia vtilia aut necessaria: qui nimirum fructus longè vberiores sunt, quàm sola verborum intellectio, quæ absque excitatione affectus in Deum, parùm affert vtilitatis. Quod si coningeret Psalmos in linguam vulgarem traduci, non propterea eorum sensum simplices & idiotæ plene perciperent.



EXCERPTA EX OPERIBVS
M. Ioannis Gersonis Theologi &
Cancellarij Parisiensis.

Prima parte, Tract. *contra haresim De Commu-
nione Lazcorum sub utraque specie, Regula 8.*

EX hac præterea radice pestiferâ orti sunt & quotidie crescunt errores Begardorum & pauperum de Lugduno & omnium similium, quorum multi sunt laici habentes in suo vulgari translationem Bibliæ in grande præiudicium & scandalum Catholicæ veritatis, quale propositum est in reformatorio esse tollendum.

IV. Parte, Lect. 2. quæ incipit, *Pœnitementi.*

CONSIDERATIONE IX.

Rursus sequitur ex præmissis prohibendam esse vulgarem translationem librorum sacrorum nostræ Bibliæ, præsertim extra moralitates & historias.

Serm. I. De Natiuitate.

Hæreticus iste (*Heluidius*) per malam scripturæ intelligentiam deceptus est, quemadmodum multi sunt qui scripturam intelligunt secundum capitula

capitum suorum opinionem & non secundum sanctorum Doctorum expositionem, quam aut nesciunt aut intelligere & considerare nolunt. Et propterea sumo hic vnum documentum, quia periculosissima res est dare hominibus simplicibus, qui non sunt docti, libros sanctæ Scripturæ in Gallicum translatos, quia per malam intelligentiam continuò cadere possunt in errores. Debent audire per prædicatores, quia alias frustra essent.

Tract. qui inscribitur. *Decem considerationes contra adultores principum.*

IV. CONSIDERATIO.

Non sufficit intelligere sanctam Scripturam, sic ut dumtaxat grammaticalis & vulgaris dictionum sciatur significatio, verum etiam requiritur ingens & longum studium tam in aliis scientiis philosophiæ & logicæ, quàm in sanctis Doctoribus, qui inspiratione diuina & vnum alteri comparando sanctam exposuere scripturam. Alioquin simplex Grammaticus, mox bonus esset Theologus, imò per seipsum sciret omnam Latinè conscriptam scientiam: quod verum est minimè; sed est occasio maxima in hæreses labendi, sicut Iulianus Apostata, Heluidius, Iouinianus & Turelupini fecerunt, & nouissimè quidam iuxta Cameracum, qui vespertilio nominabarur, & omnes fermè hæreses ex istâ præsum-

14

ptione prodierunt, quia sæpenuerò dictiones sunt æquiuocæ & aliter sumuntur in vno quàm in alio loco, aut quàm in communi sumuntur Grammaticâ: Et est necesse concordare vnum scripturæ locum per alterum, aliàs inueniretur contradictio.

V. CONSIDERATIO.

Quemadmodum de Bibliâ benè & verè in Gallicum translata bonum aliquod, si sobriè intelligatur, potest emanare: sic per oppositum innumeri errores & mala euenire possunt, si malè fuerit traducta aut præsumptuosè intellecta, refutando sensus & sanctorum Doctorum expositiones. Satius esset huiusmodi rem ignorare, quemadmodum in Medicinis & in aliis scientiis quas melius esset prorsus ignorare, quàm parùm aut malè scire & se Magistrum reputando in eis.

Actum Parisiis in Collegio Sorbonæ die 4. Ianuarij anno Domini millesimo sexcentesimo sexagesimo primo.

*De mandato D. D. Decani & Magistrorum
sacre Facultatis Theologie Vniuersitatis
Parisiensis. P. BOYVOT.*



EXTRACT DV PRIVILEGE

du Roy.

PAR grace & Priuilege de sa Majesté, il est permis à GASPARD METVRAS, Marchand Libraire à Paris, d'imprimer ou faire imprimer, vendre & debiter vn Liure intitulé, *Declaratio sacrae Facultatis Theologiae Parisiensis ad Approbationes Versionum Gallicarum, tam Missalis nuper editi, quàm sacrae Scripturae, & Officij Ecclesiastici sub nomine quorundam eiusdem Facultatis Magistrorum vulgatas: Cum Censura libri cuiusdam precum Gallicae impressi apud Ioannem le Mire, viâ Iacobæâ*, tant en Latin comme en François, pour le temps & espace de cinq ans: Et defenles sont faites à toutes personnes, de quelque qualité & cõdition qu'elles soient, d'imprimer, ou faire imprimer, vendre & debiter ladite Censure pendant ledit temps, si ce n'est de celles qu'aura imprimé ledit METVRAS; à peine de confiscation des Exemplaires, & de tous despens, dommages & interests, comme il est plus ample-ment contenu ausdites Lettres de Priuilege. Donné à Paris le 21. iour d'Octobre 1658. Signé, par le Roy en son Conseil. MABOVL.

Care

Wing

folio

2

144

A 1

v. 2

no. 1

THE NEWBERRY LIBRARY